

Gazte Ekimenak euskal presoek aldeko manifestaziora deitu du biharko Donostian

Hainbat gazte kolektibok Espainiako Gobernuaren inmovilismoa salatuko dute

Eider Goenaga / Donostia

Ibaetako plataformatik sortutako Gazte Ekimenak presoek Euskal Herriratzea eta haien eskubideak errespetatzea eskatuko du bihar Donostian. *Gazte Ekimenak, euskal presoak Euskal Herrira orain!!!* leloa manifestazio buruan dutela irtengo dira manifestariak arratsaldeko 17:30etan Donostiako Bulebarretik, eta Donostiako kaleak isilik zeharkatuko dituzte.

JARRAI, IU gazteak, EGI, Gazte Abertzaleak, ELA gazteak, LAB gazteak, Elkarri, Senideak, AAB, Donostiako Gazte Asanblada, Haritza Gazte Kolektiboa, CNT, EPK eta EGK gazte taldeek deitu dute, Gazte Ekimenaren izenean, biharko manifestazioa. Talde horietako ordezkari Iñaki Imazek eta Mikel Uzkudunek egin zuten atzoko prentsurrekoan manifestaziorako deialdia, Espainiako eta Frantziako Gobernuek presoek gaiari dagokionez daramaten jarrera salatuz.

Manifestazioa *Gazte Ekimenak, euskal presoak Euskal Herrira orain!!!* lelopean irtengo da Bulebarretik arratsaldeko 17:30etan, eta gazteek parte hartzeko deia zabaldu diote euskal gizarte osoko gazte zein helduei, euren aldarrikapenekin bat egin dezaten. «Euskal preso guztiak Euskal Herriratzea eta sakabanaketarekin amai-



Zutik, PPko Maria Jose Usandizaga, HBko Iñigo Balda eta EAKo Iñaki Barriolarekin eztabaidatzen; eta, eserita, Iñaki Imaz eta Mikel Uzkudun, Gazte Ekimenaren izenean prentsurrekoa eskaini zuten gazteak.

tzea, zigorraren hiru laurdenak beteta dituzten presoak askatzea, gaixotasun sendaezinak dituzten presoak kaleratzea eta oro har presoek giza-eskubideak errespetatzea da manifestazio honetan egingo ditugun aldarrikapenak», azaldu zuten bi gazteek.

Espainia eta Frantziako Gobernuei zuzenduz, besteik, euskal gizartearen nahia-ri entzungor egitea leporatu zieten, Bilbon egindako «manifestazio erraldoia» gogoraraziz. «Lehen ETA erakundearen jardura armatua zen aitzakia, baina jada urte-

bete pasatu da erakundeak kartzela frontearen su-etena iragarri zuenetik, eta orain arte ez da inolako mugimendu serioik ikusi», gaineratu zuten gazteek.

Ildo horretan Espainiako eta Frantziako Gobernuei ohartarazi zieten egungo egoeran «soberan» daudela «inmovilismoak, probokazio politikoak eta eskubide guztiak urratzen dituzten ekin-tzak», eta «inoiz baino beharrezkoago» dela «Euskal Herriaren borondatean oinarrituko den prozesu demokratikoa sakondu eta sendotzea».

«Bi Gobernuei euskal presoek sakabanaketa eta urruntzeko ahaleginak bertan behera uztea exijitzen diegu; eta preso, senide eta lagunentzako sofrimendu honekin lehenbailehen amaitzea», esanez amaitu zuten.

Rafael Caride beste euskal presorik ez dagoen Frantziako espetxe batera urrundu dute

■ Parisko Fleuryko espetxetik Frantzia erdialdean dagoen Riomeko zentralera eramane dute

Hur Gorostiaga / Baiona

ASTE hastapenean Elisabeth Guigou Frantziako Justizia ministroak euskal presoak Euskal Herriratzeke inolako asmorik ez zuela adierazi eta beste presoekiko duen tratamendu bera ukanen dutela ziurtatu ondoren, Rafael Caride Simon euskal preso Parisko Fleury Merogiseko presondegitik atera eta Frantzia erdialdean dagoen Riomeko zentralera eramane dute.

Rafael Caride euskal preso bakarra izanen da Riomeko zentraleran, eta senideek ezin izanen dute bertze euskal presoekin autobusik antolatu. Carideren senide zein lagunek autoz hamalau orduko joan-etorria dute Riomera heltzeko, eta hala joan beharko dute, bisitatu nahi izanez gero. Sakabanaketaren ondorioz, 72 presoetatik 30 hamahiru presondegitan banaturik daude.

Maria Jose Usandizaga PPko zinegotziak prentsurrekoa eragotzi nahi izan du

■ MARIA JOSE USANDIZAGA PPko zinegotzia gazteen prentsurrekoa eragotzi saiatu zen atzo, Donostiako udal-etxean hainbat gairi buruzko prentsurrekoak beti arazorik gabe egin diren arren. Iristean, gazteengana jo zuten, eta zinegotziak ziren galdetu ziren, eta hala ez baziren prentsurrekoa emateko eskubiderik ez zute-

la esan zien. Orduan EA eta HBko bi zinegotzi azaldu eta haien baimena zutela erantzun zioten.

Bere horretan jarraitu zuen Usandizagak. Gazteei identifikatzeko eskatu zien. «Eta zu nor zara», galdetu zion gazte bati. Gazteak ez ziola erantzungo esan, eta Usandizagak «kontuz» ibiltzeko ohartarazi zion. «Asko axola zait nor

zaren, eta kontuz nola erantzuten ditzazun», mehatxatu zuen.

Gazteek prentsurrekoa hasi zuten, PPko zinegotziak han geldituko zela adierazi zuen bitartean: «Hemen gertatuko naiz, ea zer esaten duzun». Gazteak euskaraz hasi ziren, eta, euren eskaerak gaztelaniaz azaltzen hasi zirenean, noren eskaerak

ziren galdetu ziren Usandizagak. Gazteek aurretik esana zegoela erantzun zioten, eta zinegotziak erantzun: «Orain esan ezazue ba gaztelaniaz». Gazteek gaztelaniaz ez jarraitzea erabaki zuten.

Usandizagaren jokabidearen aurrean, EAK prentsa ohar bat kaleratu zuen, PPren jarrera «probokatzailerik eta intolerantea salatuz».